

Ղարլաման. լայն փիալաձև աման է, առանց ունկնի կամ երբեմն ունկնով. ունենում է ղափախ⁸ կափարիչ: Գործ է ածվում առավելապես մեղրի համար:

Ճըշֆամի, ճաշֆամի⁸ կամ փըլիֆֆամի, փլվֆամի. ծակօտկէն ուռուցիկ հատակով լայն աման է, նեղ լնքավ, փլավը, ձալարը և ալլ եփած հատիկավորները կամ կանաչեղենը քամելու համար:

Քնվգիր. ծակօտկէն, լայն և տափակ շերեփ:

Բօխշաք. պղնձե ափսե, բայց համեմատաբար լայն լնքավ: Կինում են իրես և խոր բօխշաքնէր:

Ջամ. խոր թաս, առանց ունկնի, օղակ-պատվանդան տակով՝ ջուր խմելու համար. երբեմն մեջը նաև մածուն են մերում կամ նրանով կաթ հրամցնում: Առանց տակի պատվանդանի և համեմատաբար ավելի խորը կոչվում է փիալա:

Փարշ. նույն նպատակին է ծառայում, սակայն ավելի խոր է, անպատճառ ունենում է ունկն և պիտի լինի առանց տակի պատվանդան հավելվածի: Կիսափարշը գործ է ածվում և որպես օղու թաս և առավելապես՝ չափ:

Սաքիլ. բարձր պտուկանման փոքր կարասի ձևով աման է, որի պոնկին: ամրացված է շարժուն երկաթե աղեղ՝ բռնելու համար: Հարմարեցրած է հատկապես հեղուկ կերակուր՝ կաթ, մածուն, մեղր տեղափոխելու, երբեմն մատաղի մսի ջուրը բաժանելու համար:

Քըքավլ⁹ ը, կօքավօր⁹ կամ քավա¹⁰, լայն հարթ հատակով, գրեթե ուղղահայաց կողերով և երկար կոթով աման է. մեջը պատրաստում են յէղուծուն, տապակում են միս, բուլում են սոխը և ալլն:

Արիգանդան՝ քըքավօրից ավելի խոր է լինում և ավելի սրակող պոունկ է ունենում. նրանով ածում են հեղուկը մեկ ամանից մյուսը:

Կերակուրը մատուցանելու խօնշառնէր սարքելու համար կան հատուկ մատուցարաններ՝ կլոր մածմանիներ կամ սինիներ փոքր ու մեծ տրամագծով, սակայն այն մեծություներ չունեն, ինչ որ հաճախ ունենում են արևմտահայերի մոտ, որտեղ նրանց վրա պատրաստվում է սէղան մի քանի մարդու համար:

Պղնձից է շինված հավանգ դաստան—աղ, շաքար, ընկույզ, կաղին և ալլ կարծր իրեր մեջը ծեծելու և մանրացնելու, փոշիացնելու համար:

Փայտե ամաններ: Նրանց մեջ իրենց մեծությունը առաջին տեղն են զբաղում տաշտերն ու խնօցիները:

Տաշտ. ունենում է մեծ կամ փոքր ծավալով քառանկյունի խորություն, բարակ կողեր, հավասար հատակ և աջ ու ձախ կողմից հավաններ՝ տափակ թևեր: Խմոր հունցելու և ցորեն լվանալու տաշտն ավելի մեծ է: Լվացքի համար գործ է ածվում համեմատաբար փոքր՝ տաշտակը:

Խնօցի. ջանգեղություն գերազանցորեն շինվում է փայտից և կախովի է:

Չափազանց բազմազան և ընդարձակ գործածություն ունեն շախավ պատրաստած քաֆաններ՝ խոր ափսեանման ամանները, առանց լնքի, պոունկները հաստացրած: Մեծությունը երբեմն հասնում է լնգանին: Գործ է ածվում նաև որպես խաշին քաֆնա՝ խաշը պահելու համար, որպես չօրքանհարի, գնվաթ, կշեռքի թաթ, չափ՝ կնիշ կամ դիգնակնիշ: Վերջերս քաֆնայի հատակի կենտրոնում ճախարակում են տափակագլուխ ցցվածք, որի վրա

⁸ Գորիս:

⁹ Գորիս:

¹⁰ Կապան, Սիսիան: